

---

**Fra:** Hans Inge Gloppen <Hans.Inge.Gloppen@hfk.no>  
**Sendt:** torsdag 17. november 2016 13.47  
**Til:** Kommunane i Hordaland - Alle  
**Emne:** Breiband i Hordaland - Invitasjon til å søkje om midlar

## Til kommunane i Hordaland

### Breiband i Hordaland - Invitasjon til å søkje om midlar

Hordaland fylkeskommune har sett av inntil tre millionar kroner øyremerkt til utbygging av infrastruktur for breiband i område av fylket der det ikke er kommersielt interessant å bygge ut. Midlane skal nyttast til å tryggje at husstandar, næringsliv og offentleg sektor blir dekte i utbyggingsområda. Prosjekt som søker tilskot frå ordninga må følgja regelverket for offentlege innkjøp og unngå konkurransevriding, samt sikre at det blir høve til konkurranse på tenester og innhald.

**Kven kan søkje:** Kommunar i Hordaland.

**Kva kan støttast:** Hordland fylkeskommune har lagt til grunn følgjande mål, prinsipp og prosess knytt til utbygginga:

- Utbygging av breiband til område som ikke har tilbod om breiband skal prioriterast. Når alle har fått tilbod om breiband skal midlane prioriterast til å auka kapasiteten på nettet i områder som elles ikke vil bli utbygd av kommersielle aktørar.
- Fiberprosjekt vert den prioriterte satsinga.
- Det er ein føresetnad at kommunane og/eller andre aktørar er med og finansierer aktuelle prosjekt og tiltak. Dette skal dokumenterast i form av intensjonsavtaler eller politiske vedtak i kommunen. Kommunen skal stå som ansvarleg søker for utbyggingsprosjektet, men utbygginga kan gjerne skje i samarbeid med andre privateigde eller offentlege selskap.
- Det er også mogleg for andre aktørar å søkja på vegne av fleire samarbeidande kommunar. I slike tilfelle er det ein føresetnad med bindande avtaler mellom kommunane og utbyggjar.
- Nett som vert etablert må vera opne, dvs. tillate konkurranse på tenester og innhald.
- Midlane skal nyttast til utbygging av ny infrastruktur, og ikke til drift.

Når det vert søkt om tilskot til breibandutbygging skal det leggjast til grunn ein dekningsanalyse som gjer greie for kor mange husstandar som ikke er knytt til breiband, og ein oversikt over kva kapasitet det er på tilgjengeleg breiband. Utbygging i «kvite område» har høgst prioritet. Kommunar som søker om tilskot må dokumentera at dagens dekning eller kapasitet ikke er god nok.

I tillegg har ESA retningslinjer for korleis offentlege tilskot kan sikra raskare breibandutbygging i samsvar med EØS-avtala. Det er stort handlingsrom ved utbygging i område der det ikke fins breibandtenester i dag, såkalla «kvite område». Områder med god dekning og konkurranse blir kalla «svarte område». Her er offentleg tilskot ikke i tråd med EØS-avtala.

**Støttenivå:** Normalt inntil 35 % av godkjente prosjektkostnader. I særskilte tilfelle kan det vere aktuelt med eit høgare støttenivå basert på ei konkret vurdering av den aktuelle søknaden.

**Krav til søknaden:** Tiltak/ prosjekt som er klare for oppstart i 2017 vil bli prioritert. Søknad skal utfyllast med informasjon om prosjektet, kven som står bak og korleis det vert finansiert slik det går fram av det elektroniske søknadsskjemaet.

**Søknadsfrist:** 31. januar 2017

**Meir info:** <http://www.hordaland.no/nn-NO/naringsutvikling/attraktive-regionale-senter/tilskot-til-utbygging-av-breiband-i-hordaland/>

Venleg helsing

**Hans Inge Gloppen**

Spesialrådgjevar

Regionalavdelinga | Næringsseksjonen

**HORDALAND FYLKESKOMMUNE**

Tlf: 97 41 40 40

[www.hordaland.no](http://www.hordaland.no)